



## Aningaasanut Nunanullu Allanut Naalakkersuisoq

**Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00207**  
(Naalakkersuisut aalajangiinerat ulloq 3. november 2006, imm. 2u)

### **64.10.16-imut, Aningaasalersuinikkut tapersiisarnermut tunngasumi ilassutitut aningaasaliisoqarnissaanik qinnuteqaat**

Naalakkersuisut **inassutigaaat**,

kontomi pingaarnermi 64.10.16-mi, Aningaasalersuinikkut tapersiisarneq, aningaasaliissutit 2.100.000 kr.-inik qaffanneqassasut, aamma konto pingarneq 20.11.50, Ingerlatsineranut sillimmatit, amerlaqataannik 2.100.000 kr.-inik appartinneqassasut.

### **Aningaasaqarnermut Ataatsimiititaliap oqaaseqaatai**

Tunisassianik assartuisarnermut aningaasartuutit qaffariartupiloortut Inuussutissarsiornermut Pisortaqarfimmit oqaatigineqarpoq. Tamanna tunngavigalugu siunertamut aningaasaliissutit qaffanneqarnissaat Naalakkersuisut qinnutigaat.

Qinnuteqaammi allassimavoq,

*”...tapiiffigineqarnissamik aningaasat qinnuteqaatigineqartut quliugaangata arfineq pingasut aamma qulingiluat akornanni aalisarnermik inuussutissarsiornermut tapiissutigineqarnissaat ilimagineqarluni. Tapiissutit annertunersaat pissuteqarput, Royal Greenland aamma Polar Seafood aaqqissuussineq atortarmassuk tunisiffiit nunamilu suliffissuit akornanni tunisassiassanik (pingaartumik raajanik) assartuinermi aningaasartuutiminnik ikilisaaniarlutik atortarmassuk. Tunisassiorfiit arlallit matuneqarnerisa aammalu Alluitsup Paani tunisassiorfiup nunami sumiiffinniit allaniit raajanik pilersorneqarnissaanik pisariaqartitsinerup kingunerisaanik pisariaqartitsineq annertusiartornikuuvoq.”*

Tunisassianik assartuisarnermut tapiissuteqartarnermi Naalakkersuisunit siunertaaqqaartunut aningaasaliissutit taama atornerqarnissaat qanoq naapertuutsiginersooq Naalakkersuisunit nalilersorneqassasooq Aningaasaqarnermut Ataatsimiititaliamit kaammattuutigineqassaaq.

### **Aningaasaqarnermut Ataatsimiititaliap aalajangiinera**

Siuliini oqaaseqaatigineqartuni innersuussutigineqartut tunngavigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliami siulittaasooq